

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 463751 24 St
Tuzla, 07.02.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „TRGO-MONJ“ d.o.o. za proizvodnju, usluge i promet Gračanica, ul. Sultan Mehmeda II Fatiha br. 16, nakon provedenog stečajnog postupka, donio je dana 07.02.2025. godine sljedeće:

RJEŠENJE

OTVARA SE stečajni postupak nad imovinom dužnika „TRGO-MONJ“ d.o.o. za proizvodnju, usluge i promet Gračanica, ul. Sultan Mehmeda II Fatiha br. 16, matični broj subjekta 1-11481, JIB: 4209275180000, račun broj: 1321800311732554 otvoren kod NLB banke d.d. Sarajevo.

Za stečajnog upravnika imenuje se Merlina Imamović iz Lukavca.

ZAKLJUČUJE SE stečajni postupak nad imovinom dužnika „TRGO-MONJ“ d.o.o. za proizvodnju, usluge i promet Gračanica, ul. Sultan Mehmeda II Fatiha br. 16, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 463751 24 St od 24.06.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „TRGO-MONJ“ d.o.o. za proizvodnju, usluge i promet Gračanica, ul. Sultan Mehmeda II Fatiha br. 16, a za privremenog stečajnog upravnika imenovana je Merlina Imamović iz Lukavca, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 22.07.2024. godine. Iz izvještaja privremenog stečajnog upravnika i navoda datih na ročištu proizilazi da društvo ne obavlja poslovnu djelatnost duži niz godina. Računi društva su blokirani od 2008. godine, s tima da su devizni računi blokirani 2018. godine. Društvo je posljednje finansijske izvještaje predalo za period 2017. godine, nakon čega isti nisu predavani. Iz izjave direktora društva, a što je potkrijepljeno i pribavljenim uvjerenjem ZK ureda Općinskog suda u Gračanici, proizilazi da društvo u svom vlasništvu nema nepokretnosti. U bilansu stanja su konstatovane zalihe robe u iznosu od 88.012,00 KM i novac i novčani ekvivalenti u iznosu od 56.712,00 KM s tim da je direktor društva potpisao popisne liste u kojima navodi da društvo nema niti zalihe robe niti novčana sredstva, dakle da je navedena imovina konstatovana samo knjigovodstveno ali da faktički ne postoji. U bilansu stanja na dan 31.12.2017. godine je navedeno da obaveze društva iznose 140.803,00 KM s tim da bi se stvarno stanje obaveza moglo utvrditi tek u slučaju otvaranja stečajnog postupka na osnovu podnesenih prijava potraživanja.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 30.04.2024. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 13.08.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 66/24 dana 23.08.2024. godine, oglasnoj tabli suda dana 14.08.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.